


一、参考文献

- 《魏书》卷14本传
- 《北史》卷15本传
- 《洛阳伽蓝记》卷1永宁寺条
- 赵超：《汉魏南北朝墓志汇编》，天津古籍出版社，276页。
- 张金龙：《北魏政治史》册9，第七章（1.1鲜于恂礼一葛荣部），甘肃教育出版社。
- 赵兰香：北魏《元天穆墓志》考释，《中国历史文物》. 2010,(05)

二、墓志图版（北京图书馆藏拓）



三、志盖

黄钺柱国
大将军丞
相太宰武
昭王墓志

四、墓志录文

标题

魏故使持节侍中太宰丞相柱国大将军假黄钺都督十州诸军事雍州刺史武昭王墓志

01

王讳天穆，字天穆，河南洛阳人也。层构与乾元同极，鸿祚共坤载为基。赤字天启之征，缘图灵”命之瑞。故以式光于玉板，备纪于金滕者矣。

02

太祖平文皇帝之后。高梁神武王之玄孙。领军”将军松滋武侯之曾孙。太子瞻事使持节左将军肆州刺史襄阳景侯之孙。使持节侍中骠骑”大将军司空文公都督雍州诸军事雍州刺史之长子。诞累叶之崇基，继重光之盛烈，协七纬”之精，苞五常之性。

03

渊乎若仁，悠然似道，千刃莫测其高，万顷不知其广。神质自成，孤贞特秀，八”素九区之理，靡不洞其幽源。三坟五典之书，故以极其宗致。

04

又雄光桀出，武艺超伦，弯弧四石，”矢贯七札，白猿不得隐其层林，紫貂无以逃其潜穴。子房帡幄之谋，田单攻取之术，故以囊括”于心衿，载盈于怀抱矣。

05

起家除员外散骑侍郎。以王器量清懋，识裁通敏，除员外散骑常侍尝”食典御。台府初开，爰祗显命，领太尉掾。于时塞虏叩关，山胡叛命，封豨实繁，长蛇荐筮。以王忠”义夙

章，威略兼举，董率之任，衿议斯归。充西北道行台除征虏将军并州刺史。及王师电击，妖“寇霜摧，威略既明，庸勋有典。除聊城县开国伯加安北将军，余官如故。遂假抚军将军兼尚书”行台。

06

孝昌三年，牝鸡失德，雄雉乱朝。肃宗暴崩，祸由鸩毒。天柱为永世恒捍，王实明德茂亲，“同举义兵，克定京邑。除太尉公，爵上党王，食邑三千户。仍除侍中兼领军将军使持节骠骑大”将军京畿大都督。

07

魏虽旧邦，革命唯新，王业艰难，事同草创。王内奉丝纶，中总周卫，谟明之道”以宣，捍城之寄逾重。逆贼葛荣，鸩率凶挡，攻逼邺城。以王道镜台端，德清槐列，文以兴邦，武能”定乱，为使持节都督东北道诸军事大都督，本官如故。

08

天柱驱率熊罴，南出釜口，勒貔虎，北赴”漳源。两军云会，三十余万，雷举星奔，并驱济进，锋镝暂交，丑徒鸟散。生擒葛荣并其营部，斩级”十万，马牛千亿。于是殷卫克定，河朔载清，文轨复同，车书更一。增邑通前三万户。加录尚书事，“本官如故。

09

又以王纂荫乾晖，本枝皇干，体密君亲，义形家国。与天柱潜结玄图，显成大义，一旧”威灵，再造区夏。虽疏画山川，开锡土宇，礼命光照，器像雕蔚，犹不足以酬静难济时之功，报扶”危定倾之绩。除世袭并州刺史，本官、王如故。

10

流民邢杲，肆毒三齐，屠村掠邑，攻剽郡县。以王为“行台大都督。王神武所临，有征无战，伏尸同于长平，积器高于熊耳。迁位太宰，加翼保鼓吹，增“邑通前七万户。

11

永安三年九月二十五日，运巨横流，奄离祸酷。春秋四十二，暴薨于明光殿。年“及中兴造运，圣明在驭，追赠侍中丞相都督十州诸军事柱国大将军假黄钺雍州刺史，王“如故，谥曰武昭，礼也。以普泰元年八月戊戌朔十一日戊申迁葬于京城西北二十里。痛结三“灵，哀缠四绪，泉扃昼昏，松关夜楚，气尽一朝，悲深万古。

12

其辞曰：

两明交逝，五运代兴，
素精既谢，玄祚告征。
道符玉版，庆结金绳，
若天之覆，如日之昇。
神武秉德，福善冥应，
义均采药，无德而称。
于穆君王，合和诞哲，
道契淹门，义曷洙洙。
聿奉休踪，式扬清烈，
令问缉熙，徽风昭晰。

13

厥初嘉合，戴笔锁闱。
高栖云术，远映宸晖。
俟时龙跃，侍运鹏飞，
立功以义，成务惟机。
数鍾九六，国步未康，
北狄孔炽，西戎方强。
旗鼓竞进，烽候相望，

秦陇幽没，赵魏丘荒。
于昭我后，应期作宰，
五典克从，九工亮彩。
雾沴时消，妖逋自溃，
上协三灵，下清四海。

14

蹈礼循刑，崇仁履信，
有享有通，无悔无吝。
云雷遯动，霜风骤震，
远无不归，迩无不顺，
道迈伊周，勋侔齐晋。
吉凶同域，祸福相依，
泰山其毁，良木不持。
萧萧杨陇，杳杳泉扉，
斜汉灭影，落日潜辉。
缙绅曷仰，社稷焉归，
敬镌玄石，铭颂山基。
